



COMUNU DE CARDEDU

PROVÌNTZIA DE NÙGORO
DELIBERATZIONE DE SU CONSÌGIU COMUNALE
n. 51 de su 07/12/2020

CÒPIA

| | |
|---------------|--|
| Ogetu: | Presentada e aprovatzione Documentu Ùnicu de Programatzione 2021-2023 aprovadu dae sa Giunta Comunale cun deliberatzione n. 55 de su 24/09/2020. |
|---------------|--|

S'annu **DUAMIGIABINTI** sa die **sete** de su **mese de idas** a is oras **18,10** in sa sala de is adunàntzias, s'est riunidu su Consìgiu Comunale, cunvocado cun avisos imbiados a tèrmines de lege, in sessione **istrazionària** e in **prima** cunvoca.

Resurtant presentes/ausentes is consigeris sighentes:

| | | | |
|-------------------------|-----------------|-------------------------|-----------------|
| PIRAS MATTEO | PRESENTE | MOLINARO ARMANDO | AUSENTE |
| COCCO SABRINA | PRESENTE | PILIA PATRIK | AUSENTE |
| CUCCA PIER LUIGI | PRESENTE | PISU MARIA SOFIA | PRESENTE |
| CUCCA SIMONE | AUSENTE | PODDA MARCO | AUSENTE |
| DEMURTAS MARCO | PRESENTE | SCATTU FEDERICO | AUSENTE |
| LOTTO GIOVANNI | PRESENTE | VACCA MARCELLO | PRESENTE |
| MARCEDDU MIRCO | AUSENTE | | |

Tando n. 7 (sete) presentes de n. 13 (trèighi) cumponentes assignados, n. 6 (ses) ausentes.

su Segnore Matteo Piras, in sa calidade sua de Sìndigu, assumet sa presidèntzia e, assistidu dae su segretàriu Comunale Dut.a Giovannina Busia, sutaponet a s'esàmene de su Consìgiu sa proposta de deliberatzione narada a s'ogetu, posta de s'ghida:

SU CONSIGIU COMUNALE

Premìtidu chi:

- su decretu legislativu n. 118 de su 23.06.2011 at batidu disponimentos in matèria de armonizatzione de is sistemas contàbiles e de is ischemas de bilantzu de is regiones, de is entes locales e de is organismos issoro;
- su decretu lege n. 102 de su 31 austu 2013 a s'articulu 9 at dispostu integrazziones e mudas de su decretu legislativu 23 làmpadas 2011, n. 118 previdende s'introduzione de su Printzìpiu contàbile aplicadu a sa programatzione de bilantzu, adotadu e aggiornadu segundu is modalidades prevididas dae s'articulu 8, comma 4, de su decretu de su Presidente de su Consìgiu de is ministros de su 28 nadale 2011;
- custu Printzìpiu contàbile at modificadu in manera sustanziale sa programatzione de bilantzu, chi s'istruaturat in:
 - Documentu Ùnicu de Programatzione (DUP);
 - Bilantzu de Previsione;

Bidos:

- s'articulu 151 comma 1 de su decretu legislativu n. 267/2000 (TUEL), gasi comente naradu, chi resat:

“Is entes locales ispirant sa pròpia gestione a su printzìpiu de sa programatzione. A tale fine presentant su Documentu ùnicu de programatzione intro su 31 triulas de cada annu e deliberant su bilantzu de previsione finanziàriu intro su 31 nadale, referidos a un'orizzonte temporale nessi triennale”;

- s'articulu 170, comma 4, de su TUEL chi narat annotamala:

“Su documentu ùnicu de programatzione est predispostu in su respetu de cantu prevididu dae su printzìpiu contàbile aplicadu a sa programatzione de bilantzu narada a s'allegadu n. 4/1 de su decretu legislativu 23 làmpadas 2011, n. 118, e cambiamentos imbenientes”;

Bidos in prus:

- s'articulu 170, comma 1, de su TUEL chi, in manera relativa a is cumpetèntzias in òrdine a sa presentada de su DUP, resat:

“Intro su 31 triulas de cada annu sa Giunta presentat a su Consìgiu su Documentu ùnicu de programatzione pro is cunsighentes deliberazziones. Intro su 15 santandria de cada annu, cun s'ischema de delibera de su bilantzu de previsione finanziàriu, sa Giunta presentat a su Consìgiu sa nota de aggiornamentu de su Documentu ùnicu de programatzione [...]”.

- s'articulu 174 de su TUEL chi atribuit a sa Giunta Comunale su còmputu de presentare a s'òrganu consiliare s'ischema de bilantzu de previsione, is relativos allegados e su Documentu Ùnicu de Programatzione intro su 15 santandria de cada annu segundu cantu istabilidu dae su regulamentu de contabilidade;

Cunsideradu chi s'iscadèntzia de su 31 triulas 2020 est ordinatòria;

Pigadu àutu chi pro s'esertitziu 2021 su tèrmine pro sa deliberatzione de su bilantzu de previsione narada a s'articulu 151, comma 1, de su decretu legislativu n. 267 de su 2000 est diferidu a su 31 ghenàrgiu 2021 (tèrmine diferidu dae s'art. 106, comma 3-bis, de su D.L. 19 maju 2020, n. 34, cunvertidu cun cambiamentos dae sa Lege 17 triulas 2020, n. 77);

Premìtidu annotamala chi, in sa base de cantu naradu in su nou paràgrafu 8.4. de su mentovadu printzìpiu contàbile aplicadu a sa programatzione de bilantzu:

“Su Documentu ùnicu de programatzione simplificadu, ghia e vinculu a is protzessos de redatzione de is documentos contàbiles de previsione de s'ente est predispostu dae is entes locales cun popolazione finas a 5.000 abitanes.

Su documentu individuatu is sèberos printzipales chi caraterizant su programma de s'amministratzione dae realizare durante de su mandadu amministrativu e is indirizos generales de programatzione referidos a su periodu de mandadu. Su DUP simplificadu depet indicare, pro ogni singula missione ativada de su bilantzu, is obietivos chi s'ente bolet realizare in is esertitzios cunsiderados in su bilantzu de previsione (fintzas si no cumprèndidos in su periodu de mandadu).

Is obietivos individuados pro ogni missione rapresentant sa declinatzione annuale e pluriennale de is indirizos generales e costituint indirizos vinculante pro is àutos imbenientes de programatzione, in aplicatzione de su printzìpiu de sa coerèntzia tra is documentos de programatzione.

A tale fine su Documentu ùnicu de programatzione simplificadu depet cuntènnere s'anàlisi interna e esterna de s'Ente illustrende printzipalmente:

- 1) is resurtados de is datos relativos a su territòriu, a sa popolazione, a sa situatzione sòtzia econòmica de s'Ente;
- 2) s'organizatzione e sa modalidade de gestione de is servìtzios pùblicos locales;

3) sa gestione de is resursas umanas;

4) is vinculos de finàntzia pùblica.

Cun riferimentu a s'arcu temporale de riferimentu de su bilanzu de previsionone nessi triennale su DUP semplificadu depet definire is indirizos generales in relatzione:

a) a is intradas, cun particolare riferimentu:

- a is tributos e a is tarifas de is servizios pùblicos;
- a su agatu e a s'impreu de resursas istraordinàrias e in contu capitale;
- a s'indepidamentu cun anàlisi de sa sostenibilitàde relativa;

b) a is gastos cun riferimentu particolare:

- a su gastu corrente, cun annotu ispetzificu a sa gestione de is funtziones fundamentales, a sa programatzione de su fabisòngiu de personale e de is achistos de benes e servizios;
- a is investimenti e a sa realizatzione de is òperas pùblicas cun indicu de su fabisòngiu in tèrmines de gastu pro cada unu de is annos de s'arcu temporale de riferimentu;
- a is programmas e a is progetos de investimentu in cursu de esecutzione e no galu concruidu;

c) a sa resèssida de is echilibrios de sa situatzione corrente e generales de su bilanzu e a is relativos echilibrios in tèrmines de càscia;

d) a is printzipales obietivos de is missiones ativas;

e) a sa gestione de su patrimoniu cun particolare riferimentu a sa programatzione urbanistica e de su territòriu, a sa programatzione de is traballos pùblicos e de is alienatziones e valorizatziones de is benes patrimoniales;

f) a is obietivos de su Grupu Amministratzione Pùblica;

g) a su pianu triennale de razionalizatzione e ricualificatzione de s'ispesa, naradu a s'art. 2, comma 594, de sa lege 24 nadale 2007, n. 244;

h) a àteros eventuales trastos de programatzione.

Franco is tèrmines ispetzificos prevididos dae sa normativa vigente, si cunsiderant aprovados, in cantu cuntentos in su DUP, sena netzessidade de deliberatziones ulteriores, is documentos sighentes:

a) programma triennale e elencu annuale de is traballos pùblicos, narados a s'art. 21 de su D.Lgs. 18 aprile 2016, n. 50 e reguladu cun Decretu 16 ghennàrgiu 2018 n. 14 dae su Ministèriu de is Infrastruturas e de is Trasportos chi nde definit is protzeduras pro sa redatzione e sa publicatzione;

b) pianu de is alienatziones e valorizatziones immobiliares, narados a s'art. 58, comma 1, de su D.L. 25 làmpadas 2008, n. 112. cunvertidu cun cambiamentos dae sa L. 6 austu 2008, n. 133;

c) programma biennale de fruniduras e servizios, narados a s'art.21, comma 6, de su D.Lgs. n. 50/2016 e reguladu cun Decretu 16 ghennàrgiu 2018 n. 14 dae su Ministèriu de is Infrastruturas e de is Trasportos chi nde definit is protzeduras pro sa redatzione e sa publicatzione;

d) pianu triennale de razionalizatzione e ricualificatzione de s'ispesa, naradu a s'art. 2, comma 594, de sa lege n. 244/2007;

e) (facultativo) pianu triennale de razionalizatzione e ricualificatzione de su gastu naradu a s'art. 16, comma 4, de su D.L. 6 triulas 2011, n. 98, cunvertidu cun cambiamentos dae sa L. 15 triulas 2011, n. 111;

f) programatzione triennale de su fabisòngiu de personale narada a s'art. 6, comma 4 de su d.lgs. n. 30 martzu 2001, n. 165;

g) àteros documentos de programatzione.

Infines, in su DUP, depent èssere insertados totus cussos trastos ulteriores de programatzione relativos a sa faina istituzionale de s'ente rechertos dae su legislatore.

In su DUP depet èssere donada evidèntzia si su periodu de mandadu non cointzidet cun s'orizzonte temporale de riferimentu de su bilanzu de previsionone."

Bidu s'articulu 170, comma 6 de su TUEL, chi resat:

"Is entes locales cun popolazione finas a 5.000 abitantas predisponent su Documentu ùnicu de programatzione semplificadu prevididu dae s'allegadu n. 4/1 de su decretu legislativu 23 làmpadas 2011, n. 118, e cambiamentos imbenientes";

Donadu àutu chi, a sa data de su 31/12/2019 sa popolazione de su Comunu de Cardedu resurtat èssere pari a 1.966 e chi duncas s'Ente tenet facultade de s'avàlere de s'ammàniu de unu DUP simplificadu;

Rilevadu chi s'aprovatzione de su DUP dae su Consìgiu Comunale costituit su presupostu pro s'aprovatzione de su Bilanzu de Previsione 2021-2023;

Pigadu àutu chi su DUP 2021/2023, propositu in custa setziata, est istadu approvadu dae sa Giunta Comunale cun deliberatzione n. 55 de su 24 cabudanni 2020;

Achiridu su pàrrere favorevole de s'Òrganu de Revisione, espressadu cun Verbale n. 21 de su 30.10.2020, allegadu a su presente àutu che parte integrante e sustanziale;

Retentu oportunu protzedire a sa presentada e aprovatzione, dae su Consìgiu Comunale, de s'allegadu Documentu Ùnicu de Programatzione (DUP) 2021/2023;

Bidos su D.Lgs. n. 267/2000 e su D.Lgs. n. 118/2011;

Bidos:

- su pàrrere favorèvole donadu dae su Responsàbile de su servitziu in òrdine a sa regularidade tècnica, cunforma a s'art. 49.1 de su d.lgs. n. 267/2000 e s.m., dae ùrtimu modificadu dae s'art. 3.1, lett. b), de su d.l. 10 santugaine 2012, n. 174, cunvertidu in l. 7 nadale 2012, n. 213;
- su pàrrere favorèvole donadu dae su Responsàbile de Ragioneria in òrdine a sa regularidade contàbile, cunportende su presente àtu riflessos diretos o indiretos subra sa situazione econòmicu-finanziària o in su patrimoniu de s'ente, cunforma a s'art. 49.1 de su d.lgs. n. 267/2000 e s.m., dae ùrtimu modificadu dae s'art. 3.1, lett. b), de su d.l. 10 santugaine 2012, cunvertidu in l. 7 nadale 2012, n. 213;

Su Sindigu sutaponet duncas a su votu de su Consìgiu s'antedita proposta su Consìgiu Comunale, cun n. 7 votos favorèvoles, zero contràrios e niunu astenutu

DELÌBERAT

1. de pigare àtu de sa presentada in data de oe de su Documentu Ùnicu de Programatzione 2021-2023 (DUP), redatadu in base a is indicos narados a su puntu 8) de su printzipiu contàbile aplicadu a pitzu de sa programatzione de bilantzu, aprovalu cun deliberatzione de sa Giunta Comunale n. 55 de su 24 cabudanni 2020;
2. de aprovare s'allegadu Documentu Ùnicu de Programatzione 2021-2023 (DUP);
3. de obedire a s'òbligu impostu dae su decretu legislativu n. 33/2013 e in particolare a s'art. 23 disponende sa publicatzione in su giassu internet in sa setzione "Amministrazione trasparente";

Posca, su Consìgiu Comunale

DELÌBERAT

De decrarare su presente àtu, cun n. 7 votos favorèvoles, zero contràrios e niunu astenutu, deretu esecutabile cunforma a su T.U. de is Entes Locales vigente.

